



COMUNU DE MARA
CITADI METROPOLITANA DE CASTEDDU
SERVÌTZIU SOTZIALI
Ufitziu Istruzioni Pùblica

REGULAMENTU BIBLIOTECA COMUNALI MARA

Art. 1 - Tareas de sa Biblioteca

Esta apariciada in Mara una biblioteca pùblica, chi pigat su nòmmini de “Biblioteca Comunali” e est de propiedadi de su Comunu. Sa Biblioteca Comunali tenit sceti sa tarea de spratziri a de badas a totus is citadinus, chena nisciuna stringidura, unu servìtziu de ligidura modernu, cumentu trastu de fundòriu de imparamentu e de amanniamentu culturali. Sa Biblioteca est unu istitutu chi agiudat a assegurai su deretu de totus is citadinus a lompi de manera libera a calisiat amostadura de sa cultura chi si potzat manifestai cumentu documentus, informatzionis, spratzinadura de su pensamentu e de sa creatividade, cun atenzioni particulari bia a sa valorizazioni de is particularidadis stòrigas, geogràficas e sotzialis de su territòriu. A agiudu de is apretus de imparamentu sighiu e de informatzioni sighia e spratzinada po totu sa colletividade, is tareas numenadas innoi funt sighias puru in sa boluntadi de assegurai a totus is oportunitadis mellus de intrada a is connoscèntzias culturalis, tènnicas e científicas. Sa Biblioteca comunali traballat impari a su cumprimentu de su Servìtziu Bibliotecàriu Natzionali puru atruessu de su polo cooperazione promòviu de sa Regioni Sardigna e s’imbordigamentu in su catàlogu regionali de is benis libràrius e documentàrius. Apariciai una biblioteca est unu traballu mannu chi bolit s’agiudu de totus, prus chi totu de cussus chi dda impreant.

Art. 2 - Finanziamentu e amministratzioni

A is gastus po fai funtzionai sa Biblioteca s’at a infrentai aici:

- a) cun su dinai chi s’Amministratzioni comunai si imbòrdigat a ponni a disposidura de sa Biblioteca dònna annu e chi at a podi essi amanniau castiendi a is apretus de s’Istitutu e a sa situatzioni de su Balanzu de su Comunu;
- b) cun is agiudus de su Stadu e de sa Regioni;
- c) cun is donatzionis e cun agiudus chi Entis e citadinus privaus ant a fai cun custa tarea.

Art. 3 - Allegas generalis

Custu regulamentu amostat is arrègulas ed spratzidura de su servìtziu de biblioteca cun sa tarea de favoressi una relata dereta intre sa biblioteca e is impreadoris cosas sua, cumentu:

paridadi: is servìtzius de sa Biblioteca funt donaus sighendi sa paridadi de intrada po totus, chena diferentziaduras de ratza, natura, religioni, pensamentus politicus, natzionalidadi, lingua, cunditziunis personalis e sotzialis o su tanti de istrutzioni. Sa Biblioteca arrespetat su resguardu de is datus personalis, de is informatzionis circadas e de is ligiduras favorèssias de is impreadoris cosa sua.

partecipatzioni: sa biblioteca impellit sa partecipazioni de is impreadoris, asseguendi maneras e stremus po arriciri inditaduras, pediduras, allegas, chèscias cun sa tarea de favoressi sa cullaboratzioni po amellorai su servìtziu e totu.

profetu e atùliu: sa Biblioteca ispirat su funtzionamentu suu a allegas de profetu e de atùliu. Est sighia sa tarea de apariciai standard de servìtziu fundaus a pitzu de sa medida e sa valutazioni de is apretus e de su livellu de cuntentesa de is impreadoris.

autonomia gerridura e cullaboratzionis: po sa cumpridura de totus is tareas cosa sua, su servìtziu bibliotecàriu si ispirat a s'allega de sa autonomia gerridora, a sa cumpridura de sa *sinergia* prus manna cun is atras realidadi culturalis e istiutzionalis de su comunu.

Art. 4 - Sei e oràriu de obèrrida a sa genti

Is aposentus de sa biblioteca funt in bia Roma. Su tempus de obèrrida a sa genti de sa biblioteca benit scioberau de su s'indigu arrespetendi is standard minimus cumandaus de sa Regione Sardigna.

Art. 5 - Asienda

Su materiali documentàriu de calisiat genia, is alàscias e is trastus de propiedadi comunali chi ddoi funt in sa Biblioteca funt afillaus a su Responsàbili de su Servìtziu. Su Responsàbili ddus afillat po sa chistidura e su càstiu a su Bibliotecàriu chi at a depi fai sciri edretu a su Responsàbili de calisiat fura, sperdìtziu, dannu o strobu chi bèngiat a sciri de manera dereta o indereta.

Su materiali documentàriu chi no tenit genia de arraresa e/o primori o chi no serbit prus po sa funtzioni informadora cosa sua (informazioni bècias, addannamentu e pagu simbillantza cun is atras arregòllidas) at a essi sinnalau de su Bibliotecàriu e, cun determinazioni de su Responsàbili de su Servìtziu, bogau de s'inventàriu de su Sistema. De totus is alàscias e is imòbilis chi pertocant a sa Biblioteca, at a depi essi apariciai unu inventàriu de asienda s'ghendi is arrègulas amministrativas e cuntàbili ativas in cussu tempus. Is librus, is catàlogus e is stanterias chi ndi pertocant si depint cunsiderai benis imòbilis po destinazioni. S'inventàriu insoru est tzerriau **registru cronològicu de intrada**. Is materialis comporaus de dònna manera po sa Biblioteca cun gastus, agiudus e donus de s'Aministratzioni Regionali e de su Ministeru de sa Istruzioni Pùblica, cumentì bessint a foras de is inventàrius de sa Biblioteca aundi s'apròliu cosa insoru est acrarada beni, chistint sempri sa tarea pùblica cosa insoru e aturant de propiedadi de su Comunu. Su registru cronològicu de intrada podit essi chistiu puru cun s'impreu de trastus informàticus.

Art. 6 – Personali

Su Servìtziu de Biblioteca comunali est afillau a s'inforas. Po su funtzionamentu de sa Biblioteca Comunali, sa dita arrendadora impreat personali califcau professionalmenti. In sa Biblioteca nci traballat unu bibliotecàriu. Calincuna bortas nci podint essi previdius stages o novitziaus de studentis entregasu de is scolas superioris o de is universidadi. In prus nci podint essi cumentì agiudu picocus chi funt fendi su servìtziu civili natzionali.

In sa gerridura de is medas puntus de servìtzius su comportamentu bia a s'impreadori est fundau a pitzu de is allegas de obietividadi, giustìtzia e imparzialidadi. Su personali imbordigau in is servìtzius depit assegurai s'intrada libera a is documentus e depit agiudai is impreadoris in is circas insoru cun gentilesa e cuscièntzia. In su petantis de su servìtziu su personali portat unu cartelleddu de arreconoscimentu; in is comunicatzionis personalis o telefònicas narat su nòmini e su sangunau cosa sua.

Art. 6 – Intrada a sa Biblioteca

S'intrada est permìtia a totus is impreadoris iscritus, chi t'engiant sa tèssera de iscrizioni, entregada cumentì inditau de s'art. 7 innoi asuta. S'intrada est permìtia sceti po is tareas amìtias de su Regulamentu, boghendi intzaras is atividadi no previdias o no autorizadas a craru po parti de su Responsàbili de su Servìtziu. Candu si intrat, si depit fai arregistrai sa presèntzia amostendi sa tèssera a

s'impreau de sa Biblioteca. Custu at a fai sa cunfrima de sa presèntzia atruessu de sa scridura de is datus de sa tèssera (nùmeru, sangunau, nòmini) e de is arresonis de sa presèntzia (circas, fainas, ecc.). Po cussus chi torrante o pigante unu libru in prèstidu, o chi faint unu scrucullu/circa ant a essi fatas registratzionis specifìcas.

Art. 7 - Gerridura amministrativa de is stremus

a) Iscritzioni

S'iscritzioni si fait atruessu de sa prennidura po parti de s'impreadori de su mòlliu de dimanda chi ddoi est in s'alliongiu A) in dònna parti sua e de amostadura de unu documentu de identidadi bàlidu;

Po is minoris benit arricia de su babu e sa mama o de chini ddus càstiat.

Si benit pèrdia, sa tèssera s'at a podi torrai a entregai.

S'iscritzioni sighit unu annu solari e si depit torrai a cunfrimai dònna annu.

b) Documentus amministrativus de is stremus

Is documentus chi acrarant s'atividadi de donniadi de is stremus fatus in biblioteca funt:

Registru de is Impreadoris;

Sa scheda individuali de dònna impreadori;

Sa schedita alliongiada a dònna obra o libru;

Sa arricida firmada de s'Impreadori, chi cunfrimat is librus pigaus in prèstidu;

c) Stremus de prèstidu a domu

Po dònna libru o documentu pediu in prèstidu s'at a depi prenni una "arricida" numerada de manera progressiva su basi de s'annu. Custa arricida at a tenni is informatzionis chi pertocant a s'arreconnoscimentu de su libru o documentu pigau in prèstidu e at a depi essi firmada de s'Impreadori.

Su prèstidu cunfrimau at a essi arregistrau in su registru de is impreadoris, in sa scheda individuali Impreadori, in sa schedita pinnigada de su libru imbordigau. Su nùmeru màssimu de is librus o documentus chi si podint pigai in prèstidu po parti de dònna Impreadori est de 3 (tres).

d) Stremu de torrada

Dònna libru o documentu torrau depit essi scrucullau a lestru po averiguai si funt acontèssius dannus e/o strociduras, de amostai puru a s'impreadori imbordigau. Po dònna libru o documentu torrau at a depi essi torrada a s'impreadori sa "arricida" chi ddi pertocat. Sa torrada fata at a essi registrada in su registru de is impreadoris, in sa scheda individuali Impreadori e in sa schedita de torrai a stichiri in su libru imbordigau.

e) Stremus de scrucullu e de circa

De dònna libru o documentu lassau in consultatzioni e/o circa at a depi essi bogau a foras sa schedita chi pertocat, de prenni e ponni a craru finsas a sa torrada de cussu po parti de s'Impreadori. No at a depi essi entregada nudda de arricida poita su libru no bessit de su logu de sa Biblioteca.

Art. 8 – Servìtzius donaus

Totus is servìtzius donaus funt ativus in s'oràriu de obèrrida de sa Biblioteca. Is servìtzius acraus innoi asuta funt donaus sighendi is allegas de continuidadi e de regularidadi; arresciduras chi podint acontessi s'ant a depi fai sciri ainnantis a is impreadoris:

- a) **Servìtziu de consultazioni e stùdiu in is aposentus de sa Bilbioteca:** sa consultazioni de s'asienda bibliogràfica e documentària de sa Biblioteca podit acontessi in manera dereta e lestra po parti de is impreadoris. Est permìtiu puru su stùdiu cun librus insoru.
- b) **Servìtziu de imprètidu bividoris e no bividoris:** su servìtziu de imprètidu est sa tarea de fundòriu de sa Biblioteca. Podint essi pedius finsas a 3 (tres) librus po unu tempus màssimu de 30 (trinta) diis. S'imprètidu podit essi rennoau po unu atru mesi si su libru in su petantis no est stètiu pediu de un'atru ligidori (custu rennoamentu podit acontessi puru atruessu de pedidura telefònica). S'imprètidu a is classis podit prevedi puru tempus diferentis sighendi sa pedidura de is imparadoris. S'imprètidu est personali, no podit essi passau a atrus e si depit acabai torrendi is documentus a sa Biblioteca. Su materialu in prètidu podit essi prenodau; intzaras sa biblioteca si imbòrdigat a tzerriai a su telèfonu o a imbiai una mail a s'impreadori po ddi fai sciri sa disponibidadi de su documentu chi at a depi essi pigai aintru de is 5 (cincu) diis benidoras, deghinò s'at a torrai a ponni in is stantis. Sa pedidura de is imprètidus scadèssius acontessit aintru de 15 (cundixi) diis de sa d de scadèssida. A s'impreadori chi tenit imprètidus scadèssius at a essi arrèsciu s'imprètidu. Sa torrada fartada o s'addannamentu de is librus o atrus documentus pigaus in prètidu ocasionat sa ricumpensa de su sperditziu sunfrii comporendi una còpia aguali, candu est possibili, o cun un'atra de cussu e totu amostada de su bibliotecàriu, e in su casu chi no fessant a disposidura a bendi documentus simbillantis, s'at a depi donai dinai a sa Biblioteca cun su dòpiu de su prètzio de s'editzioni pèrdia o adannada (su balori si depit carculai castiendi su prètzio de imoi de su libru e nono cussu chi est scritu in sa copertina).
- c) **Funt bogaus de s'imprètidu:**
 - is enciclopedias, is ditzionàrius e in generali is obras de consultazioni;
 - is librus impreaus meda in sa sala de ligiduras

Est facultadi de su Bibliotecàriu fai mudàntzias ,in acontèssius particularis, a is cumandus innoi a pitzu
- d) **Servìtziu de informatzioni:** s'intrada a s'asienda bibliogràfica, sa consultazioni de catàlogus, is circas informativas podint acontessi, in prus chi de manera dereta po parti de s'impreadori, cun s'agiudu de is incarrigaus a su servìtziu chi ant a donai s'agiudu chi serbit e sa consultazioni po scioberai e agatai su materialu arrechedi e informativu. Sa circa bibliogràfica podit impreai puru bancas datus de materialu documentàriu multimediali po su cali impreu sa Biblioteca lassat a disposidura totus is trastus chi serbint, donendi puru agiudu de tipu tènnicu e informativu.
- e) **Servìtziu Internet:** in Bilbioteca ddoi funt a disposidura 4 (cuàturu) posiduras po sa alliongiadura as'arretza Internet. Si cussas posiduras funt prenas, est previdia sa apariciadura de listas de abetada cun tempus màssimus de impreu cun Internet de 30 (trinta) minutus; su personali de sa Biblioteca at a fai sa prennidura de unu mòlliu giornalieru de impreu de is posiduras. A is minoris est permìtiu s'impreu de internet si ddoi est su babu o sa mama o chini ddu coidat chi si pigat sa responsabiliadi po cussu chi pertocat is giassus castiaus. Su personali est a disposidura po agiudai in is circas e po impreai is trastus.
No est permìtiu:
 - s'impreu de trastus òticus o magnèticus de propiedadi de s'impreadori, a foras de acontèssius particularis acordaus cun su personali;

- sa fichidura de datus e de programas me is posiduras;
- sa stocidura de is datus chi ddoi funt in is posiduras;
- su cumprimentu de stremus chi strobant o addannint a su funtzionamentu de s'arretza o ndi impitichint s'impreu e is prestatzionis;
- sa mudàntzia, bogadura o addannamentu de is configuratzionis software e hardware de is posiduras;

S'intrada a is posiduras est resguardada a is impreadoris de sa biblioteca iscritus regularmenti a su servìtziu de imprètidu.

Totus is impreadoris, ainnantis de intrai a is posiduras e a s'acabu de s'impreu de is posiduras siat liberas e siat a prenodadura, tenint su cumandu, sighendi sa normativa vigenti, de firmari su registru de presèntzia aundi ant a essi arregistradas sa di. s'ora de cumintzu e de acabu, e puru sa posidura de scrucullu, custu puru imperendi is trastus informàticus.

Is minoris de edadi intre is 14 e is 18 annus ant a podi intrai a su servìtziu sceti si autorizaus de manera scritta de unu babu o mama o de chini dd'est castiendi. Sa autorizatzioni depit acontessi in Biblioteca a innantis de su personali incarrigau, atruessu de sa ligidura e sa firma de is cunditziunis e is cumandus de impreu. Is minoris de 14 annus ant a podi impreai cussu servìtziu sceti si agiudaus e/o acumpangiaus de manera profetosa.

Dònnia impreadori podit fai finsas a 10 oras de naviamentu a su mesi, calculadas siat in is posiduras de prenodai e siat in cussas liberas.

Po s'imprenta in paperi e po scarrigai datus dònnia impreadori tenit a disposidura a s'indonu 30 crèditus a su mesi su cali balori benit calculau aici:

- Imprenta: 1 crèditu dònnia folu
- Scarrigamentu datus in trastu òticu o magnèticu: 15 crèditus po dònnia trastu

Is imprentas e s'entrega de trastus òticus o magnèticus a indonu ant a acontessi in is trèminis de sa disponibilitadi de is addonus de sa biblioteca.

Barigau su trèmini de is 30 crèditus s'impreadori at a podi gosai de su servìtziu a pagamentu si est stètiu apariciu intre is servìtzius aciuntus a pagamentu.

f) Setzioni spetziali biblioteca po is piciocheddus: sa Biblioteca fait unu servìtziu de primori po is impreadoris intre is 3 e is 14 annus, po sa cali apariciat una asienda bibliogràfica e documentària manna. S'imprètidu de is documentus acontèssit in sa pròpia manera amostada in is puntus innoi asuba. Sa Biblioteca cullaborat cun is scolas de su territòriu po sa cumpridura de progetus chi tèngiant cumentis tarea sa spratzinadura de sa ligidura in mesu a is piciocheddus. S'imprètidu a is classis de scola previdit chi su nùmeru de is librus e su tempus de s'imprètidu e totu bèngiant scioberaus cun is imparadoris.

Art. 9 - Ordinamentu de aintru

Totus is librus, is imprentas, is manuscritus de sa Biblioteca depint tenni:

1. Marcau in sa parti de su *frontespizio* unu sèlliu cun su nòmni de sa Biblioteca;
2. Marcau in s'ùrtima pàgina de sa obra su nùmeru cun su cali funt stètius postus in su registru de intrada;

Totus is obras, imprentas e manuscritus chi ant a intrai a fai parti de s'asienda de sa Biblioteca depint essi arregistras, candu benint arricius, in unu registru regulari chi ddus nùmerat de manera progressiva sighendi s'òrdini cronològicu de arregistratzioni.

Su nùmeru de su registru at a depi essi torrau a ponni in su libru e in sa scheda de su catàlogu topogràficu.

Sa Biblioteca at a depi tenni custus catòlogus:

1. catàlogu topogràficu;
2. catàlogu po autoris;
3. catàlogu po sugetus.

Custus catàlogus funt a disposidura in sa manera eletrònica gràtzias a unu programa de gerridura e catalogatzioni.

Me is inventàrius est proibiu meda arrasigai o cancellai cun cosas axedas. Is curregiduras ant a depi essi fatas imperendi su coloru arrùbiu, aici chi si potzat ligi cussu chi ddoi fiat scritu asuta e cun annotatzioni firmada de s'arresoni de cussa curregidura.

Po sa schedatura ant a essi sighias de màssima is normas cumandadas po is bibliotecas pùblicas guvernativas.

Sa Biblioteca pigat parti a su Sistema Bibliotecàriu Natzionali (SBN) polo Sardigna e impreat su software de gerridura bibliotecària chi impreant ingunis e is adelantamentus e aconciaduras cosa sua benidoris. Totus is librus depint tenni s'inditadura de su logu chi tenint me is stantis. Sa spratzidura de is librus in is stantis at a depi essa fata de manera pibincosa de manera de agiudai a sa consultatzioni, sa movidura e sa frunibilidadadi.

Art. 10 - Atividadis culturalis

Sa Biblioteca est puru unu logu de atòbiu de cuncàmbiu de esperièntzias e de connoscèntzias. Sa Biblioteca apariciat initziativas chi bolint impelli sa ligidura, s'informatzioni, su gosamentu de s'espressioni culturali cun medas trastus diferentis, s'imparamentu fitianu e s'arrexonu intre connoscèntzias diferentis.

Sa Biblioteca favoressit relatas de cullaboratzioni cun is assòtzius culturalis de su territòriu. Totus is atividadis, cumentu narau in su art. 6, depint essi ainnantis autorizadas po parti de su Responsàbili de su Servìtziu.

Art. 11 - Inditadoris de su livellu de calidadi de su servìtziu

Sa Biblioteca si imbòrdigat a amellorai a pagu a pagu sa calidadi de is servìtzius cosa sua. Is inditadoris de fundòriu po biri s'atùliu de su servìtziu funt:

- agatadura de su libru prenodau poita in prèstidu;
- agatadura de is librus sinnalaus de is impreadoris e is noas libràrias;
- nùmeru de is catalogatzionis;
- nùmeru de imprèstidus a s'annu;
- progetus de cooperatzioni impari cun sa scola;
- atividadis culturalis promòvias de sa Biblioteca.

Art. 12 - Cumportamentu de is impreadoris

Dònna impreadori tenit su deretu de gosai de is servìtzius de sa Biblioteca castiendi is arrègulas de educatzioni bona e cumportamentu currìgiu bia a su personali e a is atrus impreadoris. Si pedit unu cumportamentu scienti po no strobai is atividadis de stùdiu, cun sa sceda de chistionai a pagu e studai is sonus de su telèfonu. In s'acontèssiu de strobu ocasionau no sceti cun intenzioni o crupa, ma puru po discoidu e/o pagu atentzioni imperendi is trastus o is cosas, s'impreadori at a depi pagai cussu chi at sciusciau.

Si ddoi funt cumportamentus trevessus a cussus inditau innoi, su personali podit scioberai de bogai a foras s'impreadori de sa Biblioteca.

Art. 13 - Impreu de is aposentus de sa Biblioteca

De norma no podit essi permìtiu s'impreu de is aposentus de sa Biblioteca a atras istituzionis o assòtzius po su cumprimentu de atividadis e initziativas cosa sua.

In s'acontèssiu, arriciu su parri de su Responsàbili de su Servìtziu, su Sindigu o s'Assessori delegau, podit apariciari, de manera scritta, s'impreu interinu de is aposentus de sa Biblioteca.

Acorrus, cunferèntzias e debatus fatus po boluntadi de sa Biblioteca ant a podi essi fatus me is aposentus de cussa e totu, castiendi sempri is caraterísticas logísticas de is aposentus, de is alàscias, de is trastus, de s'asienda de librus e documentus e de cumpridura de su servìtziu a sa genti e, sempri a pustis de autorizazioni, de su Responsàbili de su Servìtziu.

Art. 14 - Maneras de nci pigai parti

Is impreadoris podint cunsillai sa còmpora de is librus e trastus multimedialsi chi sa Biblioteca no tenit atruessu de una modulistica fata aposta. Est possibili presentai calisiat atra genia de propònnida chi bollat amellorai su servìtziu e totu.

Si alliongiat:

Mòlliu de iscritzioni - Alliongiau A) MAJORI;

Mòlliu de iscritzioni - Alliongiau B) MINORI;